



Saksframlegg

Sakshandsamar:	Teknisk, miljø og landbruk			Ottar Myrtveit	
Avgjerslemynde:		Arkivnr.:	21/79	Klassering:	

Høyrings sak - Lokal forskrift om jakt og fastsetting av minsteareal som grunnlag for tildeling av fellingsløyve på hjort, Masfjorden kommune - høyringsfrist 6 veker frå utleggsdato.

Forslag til Forskrift av minsteareal.

Masfjorden kommune legg framlegg til ny forskrift for om jakt – og fastsetting av minsteareal for godkjenning av vald og fellingsløyve ut på offentlig høyring. Høyringsfristen vert på 6 veker frå utleggsdato.

§ 1. 1. Minsteareal for godkjenning av vald, fellingsløyve og grunnlag for fordeling av fellingskvote er:

Sandnes og Frøyset sokn får: 350 daa.

Indrefjorden får 400 daa og gjeld frå vald 54 Eikemo/Stallane/Solhaug til grensa mellom Stegalvik og indre Haugsdal.

§ 2. Denne forskrift trer i kraft 1. januar 2022.

§ 3. Samtidig vert [forskrift av 15. juni 1993 nr. 627](#) om minsteareal for hjortejakt i Masfjorden kommune oppheva.

Saksopplysningar:

Bakgrunn

TU (Teknisk Utval) ba administrasjonen i møtet 19.05.2021 utarbeida eit forslag til ny forskrift for minsteareal i Masfjorden. Administrasjonen orienterte om 50% regelen - hjorteviltforskrifta §7 *fravik fra minstearealet*. Denne regelen skal ikkje nyttast på dei fleste vald som i dag, då ein ikkje har noko verktøy lenger til å auka tildelinga av løyver. Då hjortestammen har vore i auking lenge, må minstearealen setjast ned ein heil del. Hjortestammen er ein heilt anna i dag enn i 1993, som

gjeldande forskrift er frå. Forslaget om lag halverer arealgrensa då stammen er meir enn dobla. Minstearealet bør samstundes vera meir i tråd med nabokommunane samt kva areal hjorten nyttar. Tiltakande skader og avlingstap på innmark, samt skader på skog er moment som vert vektlagt for dette forslaget til endring i forskrifta.

Forslag til ny forskrift for Masfjorden kommune ligg ved. I tillegg til behovet for ny forskrift for heile kommunen, med mykje hjort og aktivt jordbruk, er det vore fremma eit ønskje om reduserte minsteareal og høgare avskyting. Utkast til forskrift legg opp til fortsatt nofferensiert minsteareal i Masfjorden kommune. Ein føresler no ei forenkling der ein deler kommunen i: indrefjorden med 400daa/løyve, og sørsida/nordsida med 350 daa/løyve.

I forskrifta kalla: Indrefjorden og Sandnes sokn/Frøyset sokn. Indrefjorden gjeld frå vald 54 Eikemo/Stallane/Solhaug til grensa mellom Stegalvik og indre Haugsdal som er desse 13 valda:

4634V0015 Haugsdal indre, 4634V0016 Haukeland, 4634V0017 Midtre Haugsdal, 4634V0018 Matre Store, 4634V0019 Fagerdal / Kringlebotn, 4634V0020 Trodal, 4634V0021 Haugsvær, 4634V0022 Fossen, 4634V0023 Solheim / Kalhovda, 4634V0024 Furebotn, 4634V0026 Fossedal, 4634V0038 Vågseth

4634V0053 Hope, 4634V0054 Eikemo Stallane Solhaug. Resten av kommunen får 350 daa/løyve.

Viser til www.nordhordlandkartet.no der valda er digitalisert med kort informasjon om valdet. Utover dette finn ein all informasjon på www.hjorteviltregisteret.no.

Ut fra fellingsstatistikk ser ein at dette vil vera eit naturleg skille. I dag vert det praktisert ei 3 deling med sørsida, nordsida ig indrefjorden. Ein har lagt fellingsstatistikk, «sett hjort», tidlegar vårteljning, samt innspel frå vald og grunneigarar i kommunen til grunn i arbeidet med ny forskrift. Vår vurdering er at det ikkje er ei god løysing å ha eit minsteareal for heile kommunen da bestand og trekkmonster varierer mykje og forvaltninga tilpassast etter dette. Endringa vil redurer minstearealet forholdsvis likt over heile kommunen om den nye forskrifta vert vedteken. Valda på nordsida som tidlegare hadde litt høgare grensa enn sørsida vert no likestilte basert på at stammen på nordsida har auka til om lag same nivå som sørsida. Kommunen har dei siste åra strekt strikken ein del i høve til 50 % regelen og for 2021 er det ein stor prosent som no har nådd «taket», og me har sett eit behov for meir handlingsrom. Forslaget legg difor opp til ei forenkling og noko utjevning basert på mange års statistikk.

Valdleiar er jaktrettshavarane/grunneigarane sin representant i hjorteviltforvaltninga. Vi ber om at valdleiarar gjer kjent med at ny forskrift er ute på høyring, og at valda samlar eventuelle innspel frå grunneigarane i ein felles uttale frå valdet.

Høyring

Landbrukskontoret har utarbeida eit utkast til ny forskrift om minsteareal for hjort i Masfjorden kommune basert på at TU ynskjer ei nedsatt arealgrense i Masfjorden. Vi sender med dette utkast til

forskrift om minsteareal for hjort i Masfjorden kommune på høyring til alle valdansvarlege og faglaga i Masfjorden med frist for uttale/innspel.

Frist for uttale/innspel er 6 veker

Merknader skal sendast til: post@masfjorden.kommune.no

Ta kontakt med landbrukskontoret om du har spørsmål.

Ikkje vedlagte saksdokument:

Doknr	Type	Dato	Tittel på saksdokumentet
Doknr	Type	Dato	Tittel på journalpost

Vedlagte saksdokument:

Minsteareal-ny forskrift	103414	10.09.2021
--------------------------	--------	------------